

四庫全書

集部

欽定四庫全書

浪語集卷十

宋 薛季宣 撰

詩

送張漕還停舟樊港訪退谷

送客過樊谿停橈退谷口
不見元次山靜立躊躇久
巉嵒兩石峯猶疑入戶牖
杯湖正宜泛埋塞僅盈肘
糞壤瘞杯樽勿復堪貯酒
扁舟泛然者長歌挈敝筍
浩無風

塵意將恐是聲叟自知干進客對面弗敢扣從之人甚
遠慙顏為之厚武昌非昔人望絕不得友它時賦歸歟
湖谷定吾受此心介如石自誓何樊母

登怡亭故址

江濱篆真石渾謂有神畫閒作故亭遊心知古人迹竹
疎徑微通天遠荒自闢長江浩無涯滄溟羸咫尺

行戌西山徒步抵寒溪寺

杖履竹林遊陟降西山道息息不是閒倍覺寒溪好潭

魚戲憑虛注水喧幽草埋荒古人迹樹伐庭如掃桴鼓
又相聞我心為之燥

感事

潼華覆哥舒陳濤偵次律賴有李猪兒發憤扶唐室長
城賢已遠惟嶽峻方崇借問南朝事江流第一功

陪劉提點遊西山

我家西山下早晚空翠滴漫仕鄂王城西山悵難覓不
知寒溪上好景天意錫舉趾異川陸千里共岑寂丘原

動歸念。菟夢時歷歷。東吳賽甌。粵信美。心愈感。古見似人喜。鄉間今有覲。且作西山游。笑顏忻自款。

送中司抵巴口

將迎苦不易。浮沈良亦難。橐韃候使客。無時弄江灘。上磧下南浦。風雲怒濤間。一葉舞軒昂。五水戲觀瀾。朝湖暮淮西。北遊今等閒。看盡楚山碧。信宿相與還。晴巖挂天衣。水石鳴佩環。輕舸蓑笠翁。勿與人事關。相彼塵外意。心清緒為閒。何時買扁舟。從公看潺湲。

病起

蒸鬱斷梅天薰風故微細夢春今已度避暑如何計樹
老山一色蛙喧草無藝病興意愕然到眼多蕪穢

晚雨朝霽林端煜然望之皆寶珠也戲作四十字
晚雨在林麓朝來弄晴曦瀾翻漾明月粲爛生摩尼撒
殿固無事雨天亦何為少須風景麗去去將安之

賞雪

晃朗長江北天地都無色扁舟撐短篷一鳥歸飛亟遮

莫凍凌兢如人酒量增鼇山不是照天地一明燈

二十五日雪

裘褐透膚寒飈刺春將半雪作絮花飛滾滾攪零亂天
地合清明虛極浮江岸鳥窮棲樹端走狗欣跳攬理路
已旬浹四野都瀰漫郊行峭無跡惟有神光燦茅簷過
尺摧爐火生無炭凍死未能詩達人方大觀

和賈簿雪

早起怪吾廬去天才一尺始疑大朴還掩盡几陳迹比

屋皆可封列地班圭璧照我爛輕明却似初出日仰頭
不可見恐是老鴉食擬倩玉川子叫閭閻帝席穹壤合
為容事乃非人力心膽為之寒且退然枯荻曲身今已
直促纖休唧唧此意可告客苦乏鄭莊驛履霜至堅冰
何當介如石鵲鵲有逐婦相從如娣姪飢蹲苦樹顛到
夜無入室自蠟登山屐借問何所適我亦無所適皜皜
期太乙庶見太昊氏鷄視剖我臆

黃楊生拳石間王彥材以為贈且賦之走命曰孤

山真幹次韻以酬

孤山有真幹不比尋常木
蟠根怪石巔亭亭自生育
百物進相高位閑知感縮散
葉傲風霜樛枝外林檎琴桐
嶧之陽逍遙兩俱足夸父徙
我庭如仁示其目股掌翫
何言遂可移風俗

夜深

為問夜何其明滅燈將半
雨雪濺聲繁霆電流光爛
初筵向闌珊遊子紛繚亂
誠知宴樂娛不怕泥塗患
齊居

靜無他天德全弗畔吟徹偕筇頭假山餘一燿

偶書

天公不好事月夜雲埋月遊人且勿遊辜負良時節霖
霖漲塗淖雷電騰飛雪蓮花燈可憐對明不同滅

中秋對月戲呈覓舉諸兄

君不見決明混沌江之湄含胎吸月懷清輝圓淨唾將
珠與璣又不見明視中原雲月靜跳擲回旋顧形影生
兒往往皆毛穎由來逐物未忘機勞生吞吐知惟時觀

美為人奚以為獨坐金風塵慮省皓月斜河星耿耿草
頭溽露侵膚冷平生不解飲和歌無人對月醉顏酡月
朗清秋奈月何睡思竭來剛引領林岫參差弄光景不
知月已沈西嶺

開窓

溽暑欲成雨密雲猶在郊開窓挹涼颿遠山見林梢木
葉已成陰野鳥鳴啁啁鏡靜碧池湛清冷無混淆會意
紛萬途錢荷貫叢茭寂坐一堂上默默神明交

子規恨

風篠扣吾扉有人來我語語好不須多都不如歸去開
門我見客客子今何許竹下得流虹人言為杜宇杜宇
昔王蜀不自安當寧相歸密淫遊微行時踽踽蛟龍失
水困哀怨成飛羽規名釋爾雅茲事則然否揚雄蜀本
紀望帝亦賢主仙去正啼規去思傳往古不妄信斯言
王去非輕舉蒼天悲此民故使規聲苦脫屣感斯意八
極歸客與到今惟一人後躅追無侶所以百世下直指

不得數聲盡斷以血空教滙肝腑其然豈其然臣事君
看取

聞齊安雜詠板成從沈守求印蒙以為贈

軟縣西南弦子國使君昭代文章伯氣吞雲夢納東坡
心在江湖輕赤壁月波蕩漾春山色崢嶸洲草芊芊碧
政平訟簡暇居多杖屨逍遙神自適到眼風光看如畫
罨畫溪千舊遊者高亭矗立畫不如坐歛雲屏自天寫
使君好客非春申一憂已足無餘人哦詩五百盡清警

立使江山景物新江山景物古來有前賢相與天長久
近來百草漸埋沒賴有此詩為一剖使君好善人如已鉞
板巾箱波遠邇良知何獨此麻城天下行聞為商起我
拘官禁儻杭葦跋望亭高衣帶水高唐想像賦神遊遊
客言詩詩信美空書從學穆清風得見異書人見同解
嘲不用潘邠老只在先生指顧中

永嘉行

夷甫清談平子醉晉俗浮虛輕節義都城萬戶哭桑林

九伯五侯無一至洛陽宮中塞馬嘶晉家天子行酒卮
驅出如羊晉卿士婦辱面前爭敢知勢驅威逼入軍營
不許紛紜但含泣刃加頸上始知憂追悔前時又何及
烟塵全起昏中土人死如麻骸如阜草萊萬里無舍煙
健馬明駝自來去烏旗霧合邊笳咽無援邊城斷腸絕
琅琊匹馬竟浮江弃真存心堅片鐵回思昔日昭陽殿
九鼎遷移如轉電禁聲不得悲楚囚白版金陵謾龍變
數奇督運淳于伯誅斬無名血流逆若思不識是何人

却使帥師臨祖逖

雪中送客寒溪堂

前年送客寒溪堂桃李璀璨寒生光今年送客寒溪道
滿望六花形欲槁前歲今年時不同同為送客溪光中
寒光山積都相似誰信冬春長有此廣寒宮殿不勝寒
世界瓊瑤無乃是如何名此作寒溪炎天風色鎮淒淒
不緣送客不易到送客情懷將何為君不見瑤池高宴
非不奇穆王猶有賦吾歸

可憐

可憐甌越湖山主
厭向黃紬聽衙鼓
闌鴨能言名自呼
子規歸去啼聲苦
傷情羈鴈却離羣
適意馴猫哺相乳
端是三年貧客官
方春定得離南浦

假山次葉師文韻

大隱城居無世喧
疑超塵外非人間
武都聊試五丁力
一笑天公為解顏
翠蘿散作麻姑髻
枕漱從宜長飯纔
青山元自野人物
版築徒然飾東第
無論千假須一真

坐對北山南起雲一丘一壑丈夫事安在窮遊探古文
平生樂處天其假還視王功猶土苴它時買山歸散廬
定須作屐隨高下

蘆花

秋風摘索鋪寒雪敗葉枯條互明滅淡蕩閒塘搖夕陽
橫斜斷岸凌高節無言咄咄日書空執禮拳拳意綿絕
望極髣髴鋪糾結漁歌何處聲淒切

柳絮


駘蕩風光將欲暮柔條繫日縈非霧寂歷閒庭芳草路
眉開青眼多情度脈脈依依愁不如欲翔未定適容與
體輕委脫韶華去飄泊晴天離又聚高低上下當何住
捲春匪蹴毬先赴小院深沉鋪月素卿雲暗逐凌波步
樸櫟追隨無定處冰霜峭覺為寒沍梁王有客能辭賦
蒼涼雪苑知誰訴浮玉神山攻寶璐屑屑虛花奈憑據
還思道蘊驚人語

香棠

舊說海棠無香惟昌州海棠有香驗之蜀道信
然以為不易之論樂園有棠三本其花亦香乃
知非蜀棠獨香香棠自有種耳

世間元有無窮恨海外棠花宮錦爛燒炙東風春未半
濃妝獨立情繚亂博山鑪冷沈煙斷記語洛妃池側畔
桂衣透濕飄香汗舞罷霓裳高燭看吳苑散花灘彼岸
亦有當初舊遊觀棠梨古迳霞光燦薔薇露冷衣新盥
袖卷燕支紅入腕噴人蘭芷芳都貫天然種性珍奇玩

嶺海誠知煎可爨擬損柔柯燃熾炭衰取緇巾永傳翫
它年留得重公案



浪語集卷十

欽定四庫全書

集部

浪語集卷十二

詳校官庶吉士臣何道沖

主事臣呂雲棟覆勘

總校官進士臣朱鈐

校對官中書臣宋枋遠

謄錄監生臣饒文洲

欽定四庫全書

浪語集卷十一

宋 薛季宣 撰

詩

元日

星回斗直寅夏臘變王春
否泰反成卦乾坤老逼人
元正長日月大化少逡巡
世事初無始天時自一新
祗愁梅片片不見草欣欣
善頌聞椒酒蒼天拱北辰

孔子

蕩蕩東家某百世人巨識出類只誇辭太極無合德堯舜未可過遠賢真貨殖我欲究遺編言非是奇特從之如有立卓爾既吾力大哉贊乾元一語覓不得

比年士風銳進求薦章者殆如辨獄擠排詆訐無所不至客有勸予干當路者二首

見疾多朝士爭名卒未休急流須退勇焉可又隨流靜退方真樂趨時未遽非不如全道者進退兩忘機

疢疾中元式示詩走筆次韻

鄙人病在床政苦風寒侵之予步池上攀條哦柳陰擲
我珠玉辭瘧鬼毛髮森豁爾脫沉痾翛然洗煩襟何當
漾輕舸相與從茂林清興諒不淺此情殊未禁強歌下
俚曲賡和白雪音請問覺軒詩何如梁父吟

江夢孫二首

聿修去天長却泛宮亭水百世友淵明放意匡廬址為
愛千金軀不自知臧否非關走庭下腰折慙小子少學

愴難行富貴丘所恥一為田園念歸思輕脫屣斗大印
黃金各各從所美二士志俱得何其尚留此

聿修去天長元亮歸彭澤把版豈難能趨庭且非借古
之盡心者樂以所求獲云已任先知寧當究安宅大輿
輻可說無當厄何益君子之所為百世空陳迹

巴口相地作大軍倉

南浦縱蘭櫂打頭清旦風鳥飛圖障遠人綴縠紋中銜
尾過千柁頻顏無萬叢教倉能得地轉餉定巴東

送韓國器登舟至石門視窪樽逮暮乃返

縱步石門下江山主意勤窪樽酌玄酒未飲吾已醺泉
明得聲叟萬古真同羣坏湖有明齊退谷今猶薰我行
到殊亭西日沉就曛陽水著真蹟祗恐生玄雲回眸望
西塞慘澹波無垠洄泛樂之予行舟言采芹

我客

昔我客荆梁從事清渠幕太倉蠹紅腐吹竽濫東郭去
作徒勞吏青衫走樊鄢撫字亦何心催科馱筇掠借問

差少愧而今不如昨天游內于于紛至攘六鑿鑄此一
錯字為費幾魏博閒居幸從容琴書有真樂胡然令閒
忙遠謝乘軒鶴人生百年中藏舟固非壑顧已習迷途
如蠶自纏縛作詩懺當來聊以慰寥落

欲晴又雨終夕震電

日昃望雲氣西郊將欲開丹霞漾晴暉清風有時來歸
坐北窓下驚霆殷轟虺流電掣飛雨疾徐鼓巖雷宛轉
頽屋頭終宵響徘徊早起到城市橫流繞汭洄伊誰補

漏天陳絮與蘆灰

跋分定錄

人生紅樹花一謝乃其分春風儘搖蕩剛恨分庭糞先
賢尚龍豢缺月何灰暈譬如陌上塵要是非關運仲尼
示無睚予路窮斯愠此理未容言呼兒課天問

鄂城篇

袁山野火春風吹驚飈萬馬爭奔馳烏龜阪頭蕃草木
化作灰燼張天飛武昌佐史皆好古煮茗聯鑣訪城府

狂生此意復不淺好事大家何爾汝鄂王城闕煙蒼蒼
鄂王宮殿波茫茫今古都盧一餉頃不見古人虛引領
毫殷豐鎬已丘墟蠻荆興替將焉如死生建業信徒語
石盆古渡猶多魚古人已去安足齒近事紛紜尚如此
君不見淮淝去歲是豐年如今千里無舍煙

謝王尉見贈龍溪集

稔聞韻鄉名不識韻鄉面班班隱豹文窺管時一見譬
彼聞婆城尋逐滄流漩聞韶在齊國九奏何當變王侯

韻鄉人少長居鄉縣韻鄉指迷塗貽我書一卷森如入
武庫寶壁紛交薦炭玉屣登臨赫日吹風霰家難將野
鷺後素詩何絢長安行即到豈在臨淵羨千金端不如
變色先生饌從可狎江鷗六籍居貫穿

二同舍賦鄂城篇見和文高格古端不可及而仙
尉王文措辭侈甚可以參諸臺符羽檄間復次
元韻戲酬

生春煖律誰能吹寸心萬里何當馳威加海內念方國

也思猛士歌雲飛狂游不識今與古閨閣便作潭潭府

試憑野叟問吳婆

俗名鄂城為吳婆城

賜不如回吾與汝高高無

是幕穹蒼湖天無雲湖水茫吳楚爭桑如有頃東鄂幾

人全首領古時封國今為墟此心觀古應焚如歸歟衲

被蓋頭卧何妨沸鼎遊如魚舌柔長在強於齒人間萬

事渾如此君不見老聃彭祖俱長年無忌火化仙乘煙

次韻李浩然喜晴

我愧子康之治密其雨其雨而出日靡神不宗始霽霈

將為有年吾事畢豈其霖霖澍霖靈靈霽又為心首疾
祝將圭璧走羣望祈社稷門勤屈膝誠知惡積怒神天
流毒匪緣寒自慄甫田千畝垂有秋刈獲敗之方秀實
橫流場圃澆洋洋茁茁禾頭多耳出仰天何怨俯何尤
退省過愆知自失牢愁僕僕事吁嗟風雨敢辭頻沐櫛
忱誠雖至蟣虱微舒慘蒼穹焉可必都緣民困不聊生
重以凶荒神以郵義和叱馭黑龍僂僂忽清明開萬室
不知帝力固全真謂我貪天寧直筆

河豚

豈其食魚河之魴河豚自美江吳鄉瞋蛙豕腹被文豹
則如無趾黥而王我生甌東到閩方規魚貫見梅花裝
梅青不肯候風雪荻芽靜笑垂飛楊古來多魚吳武昌
薄遊三月新初嘗西施乳嫩可奴酪馬肝得酒尤珍良
無愁縷縷結中腸豐美肥腴如切肪外皮甘滑裏皮厚
令人忘却美烏郎舉之東海來三江會聞清濁斯滄浪
白龍未免豫且困膨脝唯唯浮魚梁氣衝越鞠何彭彭

地遠都無橄欖香不知深入恣游泳極情性命徒為戕
腊毒厚味能人亡何須西子齊文姜甚美由來必甚惡
直它一死言為長鮑魚俗物休相妨良藥相傳海上方
蘆根槐子豈足貴生龍之腦黃龍湯

東坡在齊安賦海棠詩為天下絕唱年來絕無此
種許仲蟠取之武昌作詩寄示

武昌三月春草生攬紅闌白皆羣英就中一種信奇絕
芳菲壓盡吳王城侈非丹芍明非玉豔陽天日擎高燭

從教深淺色相形不以冰清為不俗文王自昔基靈囿
綠綬朱裳燕朋友醺醲心醉鄂裳裳痛飲醇醪不闕酒
流烏一下新王舟颺從火御乘丹丘傳得飛霞在海外
千齡只自生炎洲靈砂不到姮娥竊幾時赤鳳來丹穴
趙壘新張漢幟時閨閣滿望猩猩血少陵昔漫稱詩豪
忘言跨鯉輸琴高剛被東山興妖女竹菰未可稱蟠桃
靈根不分生赤壁遠在水南呈赫奕朱烏憑將寄德鄰
告言莫看同巾幘

王彥材謂東坡以海棠比婦人非是故此詩皆不言婦人

寒溪送客時李花盛開山谷彌望

寒溪送客荒徑迂玉華璀璨晨光虛仙遊在處見李白
遠山無地尋陶朱雪霜天色際江岸瓊瑤世界連
飄然幾許認故榭恍若一夢驚華胥寶珪環璧會王路
鐵衣鋒刃交兵車三王純素未云已百姓渾茫方皞如
神清洞古世緣在梁園祇是空遺書

蟻啄翻

吳人謂
雀為翻

啄翻玄駒子當緣一食耳雪猫與翻俱咽之玄駒乃與

翻俱靡古人防未然精意本如此相教各自慎豈有失
身理翻子輕此蟻終焉食於彼蟻亦甘啄翻但知翻之
美寧知腊毒生厚味大小相吞不搖齒蟻微不足食反
以食翻死不如夏蟲獨飲露壽不知冬亦良是君不見
慕容赫連攘臂起燕夏存亡竟何似

釣臺阻風去得風便

先生非釣名魚釣清冷水太虛長廓然浪迹秋光俟人
憂我何憂忘怒亦忘喜建武非漢元詎有留侯起神明

旋地軸姓字更七里雲臺已埋沒嚴瀨殊清泚
釣臺高插煙霞裏首陽遠相比萬祀恒不圯
我來經舊廬敢卜瞻遺几東風迴我舟江步時
須艤仰觀嚴像設敬拜豁煩鄙曾臺暢登臨
無復徒仰止縈紆古道屈望望扳蘿藟崇基
介嵒石特立端不倚削成二山碧平止章如砥
衆山鬱青蔥環合紛礧礧清塵森萬象觸睫同
一視古人不可見可見安仁美旅情殆忘返
回棹西風駛青蒲挂一席入望俄城市瞥如周
變秦物物非古始

乃知主人意待我非朱紫送迎因下風忙遽均倒屣烹
茶出清泉盤饌羅雙鯉飲之以珍羞浣濯予塵滓相忘
語嘿間不假談名理去留唯我意今昔交汝爾此情固
冥契何必親之子

乙亥歲東遊會稽謁禹陵過馬臻祠下詢所謂鑑
湖者則已堙塞為民田因賦

登會稽瞰長湖漪漣萬頃皆平蕪桑田變改唯聞說豈
信古今人事殊往時夏后禹道川治水勞馳驅四支疲

敝跛其足過門弗視兒呱呱衆流宗海出平陸滋人巨
浸因卑洿百神效職來大計勤民遠狩崩于畚名山立
郡此焉始明明功與日月俱焉侯有漢二千石施仁復
古蘓樵枯浚深培薄拂古鏡還使境塍成膏腴陰邪醜
正富權威居育如鬼捐其軀大君良吏不復見茫茫陳
迹日就無玻璃湛湛長芳草蛟龍窟宅生菰蒲前功不
錄倚墮弃誰何聚斂浮穿窬情非聖禹決陂澤遷移膏
潤為官租昔人舊事已無在猶有水識礪長途高田燥

仰下沮洳雨暘無歲均沾濡咄哉榮利歸乃室是邦黔
首其何辜反令二主神淫祀煩此都王陵委積蠹明幣
守祠澆醑傾清醕禳禱兩無已跳梁飽妖巫享祭緣報
誠嘉猷委泥塗神靈血食已非分無為耗黷令人吁復
績悵何從我心徒自悽

張村

皇義寂已久澆俗無還淳如何張村毗杳杳全其真豈
不有妻孥茅茨甘賤貧豈不憚疲勞務時勤耕耘脫俗

未為貴而今焉辟秦青城足躋攀那染龜城塵枸杞薦
盤蔬殊非闢養身安常樂有餘熙然阜長春奚其壽而
康無知斯體仁靜言逐臭夫迷途少知津猥云老人村
郊荒絕酸辛筋骨由堅強誰謂存其神井蛙議滄溟夫
豈窺崖垠作詩賦張村逝將同野人

舟行樊港望竹間石上李花盛開

天下清且奇無過竹與石安得皎然者素質照人白靜
立笑東風篁岡蟠鱗隙望之輕以明儼似雪初積青草

闕欣欣不比梅花折
矯首不可到
獨自憑空碧
翠帷篠
青青巖嶠正虛席
我疑辟俗翁
方外支三益
又是秦帝
宮傳視相如
璧人情不易知
幽致矧可射
相從知未能
灰心從此畫

遊韓魏王書堂

蘭生深谷中
香不為人採
明珠含蚌胎
融曜鎮長在
裛
來馨滿衣
磨琢未曾琢
君子行之常
出處安有改
韓王
開此居
山立中
蟲鬼窈窕
二游女
易歲昏
有待柳下學

東門百世人不逮乃心毋自欺匪轉馬可怠用之建邦
國所宜烹大鼎我來追後塵六逸先駕駘美人意桃李
德誼見芳蔭瞠若眩吾明五色騰日彩

二女篇

天聖中韓魏公居所生愛從其兄琚守齊安即
安國寺西廡為書堂以居恒有二女子夜至衣
冠高古容裝麗甚公恬不以為怪及去二女告
曰妾非人也亦非仙人鬼魅遊處再歲而言不

及亂公德士也行矣即推此澤天下走讀齊安
記屈原之死二女慈孝亦于此投江故武昌郡
人以五月五日競渡投角黍迎神舟上二女非
仙人鬼魅豈靈均二子之精爽耶不然何知人
如此乎而後先居者莫之能見為作二女篇

姁娉二美人幽閒真種性色秀雪窓梅衣冠儷修正巖
巖韓稚圭寂寞自清靜虛室掃齋居展禽當季孟神遊
問寒暄不得窺信行怪力視茫茫久要交善敬語之非

異類安民公有命蓋聞楚靈均汨羅陳死証二子終孝
慈雙玉澄江暎當初黃鄂人盪槳追遊泳端午化成俗
龍舸長犇競事神微有道角黍勞將迎非鬼且非仙世
士憑誰偵

被命行田未半而羽書至造岩者萬別駕其逼方
甚繼復有聞

冷火不再燃事成難重言我苦不憚煩興言念丘園丘
園未得歸行田縣西原暑雨霑我衣菜蕪絆我轅熊羆

百萬衆未易輕營屯東征到洪道折柳臨津門
戕戕鳳皇臺墟吳際荒村南湖湛淪漪瀟渺波瀾
翻路回間谷溪子規詔煩冤流血良自悲誰念
望帝魂不差五斗腰折支別駕尊松門故鄉類
去路馳且犇羽書如流星萬室崇屏藩荒涼舊
村毗億兆不一存哀聲聽杜宇側耳心昏昏山
澤久已竭職死何足論

某為令無狀不能化服奸盜至加之刑僂仲蟠鄉
丈不以為過又哦詩以寵之是重某之不肖而

播其惡於衆也感愧之劇次韻以酬

漢法在彛鼎三章豈不嚴姦宄恣暴亂官刑廢春鈐未
若箕山翁頑夫偃風廉予慙斯人徒為容善謙謙毆民
陷之辟淫刑視齊殲處事禁太速宜犴非為淹丹書對
婦泣職死夫何嫌專誅逮垂盡吾辜倍相兼曾聞鄒魯
間禮義人自恬商君就有道絳水驚閭閻念此一歎息
歸來賦陶潛南山信崇極能無刺巖瞻

記遊詩

延陵道士何希全為人坦率狂易居天慶觀儕輩以風子目之走初識諸妻家曉曉然一多言人也甲申歲至西湖從婦之昆弟遊訪何之居則聞無人聲扣戶移時而後希全者出肅賓而坐不交一談同行怪之視其齋舍蓋凝塵滿屋胡床雖設而拖泥之板亡矣意其非苟然於世者客退而主人不送客彊之不辭及門謝以無茶遂翻然而入詢其行事不語既有年矣晚遊

崇勝佛寺過僧道一不值眎几案間無非貴人
竿牘中庭有枯條不翦謂之龍華攷記按圖乃
野菊之下品王公閨人為之歌謠者至積帙而
加多走閱短卷圖書謂必法書名畫開編而視
乃其繪夢成圖一日之間所遇如此若希全者
可謂身如夢幻而道一者顧以夢幻為真物之
不齊有如此者因思列子之言為發一笑而作
此詩

先生混物化浩若鶴與猿詰曲此世間翛然脫籠樊宴
心遂無物得意亦忘言客至不點茶猶嗔破苔痕相逢
蜀成都過我故縣村遐觀夢中夢南膜佛因緣鄭人決
真妄子產不能賢寥哉天地間誰省物性偏夢覺各有
殊從他見一邊浩歌歸來乎虛堂好晝眠

跋蜡虎圖

刻木牽絲代不乏巧而偃師擅剗剗之技吹簫
擊石師有其能而后夔名制作之宗何哉蓋精

義入神則神藏其用至誠假物則物狀其形寫
物之工亦猶是也婦弟元可所藏虎搏豕圖其
枯條衰柳於菟剛鬣疏毛設色皆極能品之上
至狀虎之蹲伏批豕頰而呬持之豕啼失聲手
跑足廢精神形度曲盡一時之理視之使人毛
髮森聳若彷徨乎其右也人以宣城繪人包氏
善虎因以包虎名之走謂包虎之形但像虎耳
至狀真虎之態包氏何足以知之夫真虎之形非

全於虎者不能到也故走定為麗歸真畫而名之曰蜡虎圖歸真梁人宋太祖時以道士召對自言售畫得錢沽酒竟醉此外無能者嘗為廬山道人寫鷄而燕雀不敢來集其畫喜圖牛虎常伏草莽以觀虎之出入或蒙虎皮而倣其搏躍之形故其畫虎之工居神品上走知非歸真不解作此蓋惟歸真為能知虎非走無以識歸真也因跋以詩為之序

歲云暮矣露為霜枯條脫葉衰柳黃郊原寂歷無人鄉
獷牙之豕充稻梁舍臙以遊神氣揚有班者虎蹲在傍
低頭耍尾不大忙豕行過之不虎防虎往搏之猛豕吭
豕忙故步聲喚長虎如抱兒未遽央豕形雖在身命亡
不如安之充虎腸得之紙本君何從仙人道士形已忘
解衣槃礴裸宋王虎冠虎韞虎跳踉百獸望之怖以惶
寫鷓鴣雀為罷翔匡廬有潔清祠望請君懸之政事堂
坐令帖伏犬與羊君不見大索之祭通八方盛德百世

祠是常又不見螳螂捕蝟雀捕螳死生得喪不可償虎
哉寧知蝟螳能爾哉是非遠在天一方君其實之永世
藏

孫元可賦張公石室詩句語險怪辭鋒秀拔讀之
如神遊洞府而陵果為之犇屬也非身行此洞
不知此詩之工蓋其質似盧仝而文麗多之如
又加鞭當千里一瞬其視劉叉馬異得名浪矣
詩文與我過當誠無足以當之牽韻勉酬真添

薪煮簣之舉

君不見談天衍有言九州之大惟一州無論青冀并營
幽我其放言學鄒子將子聽之無我尤我騎一紙白驢
子跣梯跣踏走上南山頭萬里以意行一息不暫留谿
谿到空洞且作秉燭遊呼來混沌老蝙蝠爾作精怪我
則不從教激風怒竅拔木折石一去旬有五日後返
但是有戶則可由積蘓纍塊雖云巧達觀只與蟻螻倅
我有五雲車駕以六蒼虬日月行已揭無人觸虛舟何

曾見爾懸旌鳴佩朗袞欲飛動玉柱校立直以修大撓
甲子有窮盡爾乃祿命難考求皇天大地僅若一雞子
金烏玉兔銜得曉夜作箭浮我不知爾許事政覺兩耳
風颼颼託死不復生一死可作道者流況乃漢時五斗
米師星河耿雙眸石壇一坐一千歲坐視生滅水上漚
水上漚且罷休休無休於無作樂無樂於無憂仙人與
世人壽夭如相疇清清爰靜爰自正此舉獨步不可傳
信是神仙足官府蜂房戶牖封君侯我偶作此言不比

亦不周為何孫卿子謂我阮與劉為我謝孫子我才愧
爾天一畝不如且飲酒耳熱徒歌謳可以銷遣縣縣不
斷萬古之悲愁悲愁銷遣幾時盡萬古之後重有萬古
來悠悠

春愁詩効玉川子

春陰苦亡賴巧解窮彫鏤入我方寸間釀成一百萬斛
傷春愁我欲挹此愁寸田無地安愁葛沃以一石五斗
杜康酒醉心還與愁為謀愁腸九轉疾車轂擾擾萬緒

何綢繆愁思儻可織爭奈百結不可紬我與愁作惡走上千尺高高樓千尺遡雲漢只見四極愁雲浮都不見銅盤之日缺月之鉤此心莫與明愁來壓人頭逃形入冥室關閉一已牢周遮四壁間羅幕密以綢愁來無際畔還能為我添幽憂我有龍文三尺之長劒真剛不作繞指柔匣以明月通天虹玉燭銀之寶室可以陸剗犀象水斷潛伏之蛟虬云昔黃帝軒轅氏用斬銅頭鐵額橫行天下之蚩尤擬將此劒斲愁斷昏迷不見愁之喉

若士為我言子識愁意不愁至不亡以愁生有來由閒
愁不足計空言學莊周日中之景君莫避處陰息景景
不留疾行嫌足音不如莫行休因知萬慮為縈愁之緯
忘懷為遣累之舟歸來袖被蓋頭坐從他鼻息鳴齁齁
取友造物先汗漫相與遊朝躋叫閭闔夕駕棲丹丘天
公向我笑金母為我謳酌我以瓊漿玉液朝陽沆瀣之
濃齊俾我眉壽長千秋却欲強挽愁作伴愁忽去我無
處蹤跡尋行輒惟有春華鬪春媚一一倩絢開明眸又

有平蕪綠野十百千萬頭
鈍悶耕田牛踏破南山特石頭

浪語集卷十一

欽定四庫全書

浪語集卷十二

宋 薛季宣 撰

樂府附雜詩

古意

荷芰藕生蓮每憶中心苦
擬掇斷根苗絲結千千縷

侯婦歎三首

侯婦匡坐歎蕩子新賜冊
先自薄恩私嬪嬙幾中閨

莫作侯家婦
鴟鴞理清瑟
幾許白頭人
同心綰同室
侯婦且勿歎
金玉多滿堂
蛾眉不讓人
當奈薄情郎

團扇歌三首

田田白團扇
輕綃寫蟬雀
用之却炎暑
生風郎掌握
團扇復團扇
羞郎引遮面
顧景強躊躇
隙月雲端見
團團白紈扇
奉君揮素手
餘涼入長夏
結交貴經久

燕然歌

塞上月秋更明
銀山蹀躞健馬羣
甲光射目開金鱗
鏃

長飛雨旌填雲轟庭雷鼓聲鱗鱗柔然之虵陣圍輪傾
河鞭石居逡巡浩歌但來輕比鄰白登豳國公常聞蚩
尤久作溟漠君高辛狗食吳將軍羽林弧矢非周身控
弦雖多將累人狼跳鳥擊虛遊羗驕矜一息為微塵梟
雛井底蛙彌尊餘殃積惡天公嗔乘障人聞不聞衛青
去病迹已陳竇侯乳臭椒房親犂幕庭燕然錯落銘王
勲

木蘭將軍祠

聞周黃岡葦木蘭將軍祠不詳其意讀杜牧之
集乃知唐世齊安已祠木蘭用樂府詩攷之其
關山度若飛之句與今黃之關山偶合不必真
在黃也按詩木蘭邊郡女代父征役定在何許
黃河黑山政是北伐觀其叙事似燕魏北齊間
人名號官稱又頗差異但燕魏北齊寔未嘗有
可汗之名魏齊勲官未備唐始十二級而天子
有天之可汗之號如兵帖將軍尚書郎之類皆南

北以還官書通語擬樂府詩唐人擬作然其詞
意質朴不加藻績自有邁往不羣之氣真北朝
人語也要之古者婦人往往有猛士風烈願今
丈夫曾不如一女子可為扼腕木蘭以一女子
勲業不大顯數百年後猶血食江上祠敝而復
葺似不偶然感此而作

人怯西山種誰知掌上身猪羊刀霍霍車馬道
麟幕府開娘子旂常紀亂臣夢回清鏡對千古
茜裙新

車遙遙

車遙遙兮路逶迤思夫君兮君今知今安適兮南入楚
願為聲兮逐君語君不言兮聲不聞聲何當兮言在君

明妃曲

闕下烏雲暗黑旗未央高會送將歸天子傳觴從官勸
奉春建策至今時上林關鎖多芳菲玉墻困睡花歲蕤
中人驚起道宣喚和戎却自拚蛾眉徘徊顧景傷春啼
秀色悞身生不知工師萬死未足謝丹青始信君難欺

冤莫冤兮長別離盟莫渝兮徒自疑毡車未免下宮殿
記得當年初入時眉山淡掃雙螺垂擬高門戶生光輝
姑姊提攜父母送不教含涕登丹墀赭黃有淚濡龍衣
此身雖是觸事非風沙萬里少花木龍庭爭看真閼氏
言語不通心儘悲琵琶琢就彈哀思君門萬里不易到
檀槽撥斷商弦絲窮寒絕塞人蹤稀時有天邊霜鴈飛
憑誰說與漢卿相西施莫忘真元龜

惜花引

七月廿四日將旦夢遊廢園作遺忘數句枕上
足成之頗與前年春草曲同意辭旨悽怨殆識
非佳祥走素不曉音調亦不知何章曲也

廢園晨遊舊觀歷歷三徑已荒蕪歌酒地悄悄無人迹
為山傾仄支柱皆名石桃李無言為人岑寂早綠暗紅
稀春去也歎繁華難覓落花如積誰與東風惜

楊叛兒

楊婆兒共戲來白門楊柳政依依穩稱暝鴉棲博山鑪

侈沈煙裊儂心懽緒繆紛擾語含別意泪空流未掩宮
闈齊閤曉齊閤曉祇傷悲婆兒殺儂那復相思

楊白華

楊白華柳眼自生息風傳華落大江東綰毬團絮無多
力柳眼落落落不可見淡蕩遊絲空萬億由來宮樹未成
陰踏歌驚斷諠笳笛

秋扇詞

少婦織流黃織就中秋月上有乘鸞女肌膚皓冰雪裝

成一攜手奉君端暑月感君清涼意薰風為君發落葉
下驚秋與君此回訣素質不勝愁從衡網珠結招搖邈
煙露青鸞影遼絕有物感君懷騰口知何說分命故應
然不是君心別

秋空辭

秋空淨無瑕耿耿掛明月有人捉月試騰身騰身直上
黃金闕黃金宮闕高嵯峨駢頭從目相誰何仙人顧之
拍手笑使我言語能多囉言語多囉還有考天公何言

固無口秦書趙史欺我哉紫氣充庭是天道通明廣殿
凝非雲日月照耀如環循蝦蟇老鴉啗我欲叱之
神羊嗔夢中將謂天難知夢回塵事故依依天大故能
成變化覺夢不勞評是非

擬古

春飛紫燕秋飛鴻雙成阿母長相逢誰家窈窕窺綠窓
藕花菡萏清池風壁璫翡翠雙明月寶釵玉釧衣如雪
年可四三當有情語音嬌軟疑卿卿天公一笑回金電

不似當時不相見

相逢狹邪間

驅車逕長坊長坊劣容綫繚遶狹邪間相逢記君面君
家人共知共知不難求朱門颺踈柳虹梁架芳流庭除
清且閒馳道直以修中堂真壯哉黃戶雙蚩頭亭亭丹
桂華燦爛明人眸主君三男兒三兒例封侯大兒尹京
都中兒相凝旒小兒奉朝請籠街進鳴騶三兒俱來歸
青絲控驛騶三兒俱上堂大人百不憂三兒俱入室四

座沈煙浮蛾眉盡妖艷三婦不可侔大婦鼓鳴瑟中婦
彈箏篴少婦獨凝竚酡顏半嬌羞丈夫且躊躇世有此
樂不

怨歌行

男兒多負心女子良易知琴音和且諧何以得淫思丈
君慕相如慙慙效于飛不惜鸛鸛裘愁成遠山眉茂陵
獨何事為顰效東施興言念疇昔紅淚落如璣彈作白
頭吟深心寫琴詩郎聽弦上聲妾志終不移清商感人

情兩意亦以非文君獲所願相如悟沉迷寧能已消渴
琴臺遂同歸妾欲理絲桐絲桐亮以悲謂言無終極當
非長別離

艷歌行

雖雖雲間鴈南飛北軒翥妯娒幾多人兒夫獨羈旅郎
書憑誰寄妾意憑誰語賴有雙鯉魚尺素為懷取歡子
今來歸還羞入朱戶告之莫流宕天靜星可數星子何
昭昭行不如歸去

妾薄命

魚生蒲藻中河水以為依傾河竭其波魚藻當何歸妾
作君家婦君時尚卑微勤身絰絲續夜午不下機憫君
書愧勞寧教食無薇緝緝兒與女號寒復啼飢怜之小
顏色釘餌攀斑衣君登名利場妾喜神欲飛今君位通
侯蚩頭建黃扉忍令家人子舉動生光輝妾昔顏如花
因君損芳菲君去春無迹潛然淚紅璣自怜承事君為
他筋頭肥妾命薄如紙虛牀但歔歔憶昔在家日慙癡

弄庭闌爺娘念嬌子深心愛其頤人間愁未知結髮為
君妃姑嫜時在堂色養親無違慙百憔悴可道才依
稀誰言當見君崇高位巍巍君官知漸穹人事覺已非
非關君二三妾貌凋寒威恨無長門賦可以使君噤更
長不再眠入戶多蚍蜉妾有青綺琴愁來為君揮琴詩
無別意黃綠憂裳衣昔作掌上珠今逐駕下駢珠藏不
復媚車行在觀旂幸君且留連知音世誠希歲寒須見
梅何花耐淮澄

陌上桑

羅敷秦氏女皓腕潔如霜寶釧瑤明月領巾䟽以長柔
桑正沃若采采官路旁使君從南來一見神已傷五馬
會且止調之貽翠璫自名良家婦狂夫漢中郎閨門甚
修整芝蘭遠芬芳奚為致此語不是邯鄲倡去矣勿復
顧風來語流香蕩子踏歸陌駕言割人腸

從軍行

人道從軍樂我道從軍苦為問何所苦無苦汨沒汝汨

沒何可傷政可虜戎王萬里浪馳逐征役未遽央太行
汝勿登回復九羊腸黃河汝勿航波流水湯湯胡然弃
平生欲往無梯梁夫君且淹留後繼當汝忘長蛇巨復
夢南山強深藏我甲豈不堅我馬豈不良人生會有死
義死良所傷將軍不汝信談笑成犇亡誰乎幸際會虎
服而皮羊之子方丈食何時飽粃糠

戚戚復戚戚

戚戚復戚戚如此春意闌紅梨褪深暈青梅結微酸向

之一悽慘飢腸廢朝飧姮娥五圓缺美人隔雲端衷情
巨自禁陡覺衣帶寬芳菲日彫謝動作不遑安咄哉黃
粟留接翮語何繁小鳥得于飛而我別所歡夜來風雨
惡中唐水漫漫故鄉貧亦好楚客曰南冠男兒志四方
愧此柳下官安得買山錢靜處把釣竿高懷未易償歸
有道路曼叟坐作遐想心體胡自胖行行大刀頭無生
話團藥

自君之出矣

自君之出矣珠網弦瑩篴憔悴損容色晨朝懶梳頭頭
上雙爵釵脫髮應難留因心持寄君君還知意不金以
表妾心釵能感君眸長安多美人陌巷多高樓君如有
兩意持此買名謳妾本侯家女生平不解愁十九為君
婦如今幾回秋生兒妾樣長君方遠行遊妾顏益以悴
君心日悠悠方諸空有淚圓月難為鉤死灰不復然知
君亦行休寄言天地間予以寫我憂

石上可種麻

今曲

石上可生麻麻生豈成畦嫁壻得蕩子猶如太常妻我
作少年行長安走新街長安三月春桃李百花開平康
諸女兒艷麗驚寒梅蛾眉鬥連娟佳期不須媒投我以
木瓜當歌共傳盃歌聲繫懷抱知君在空閨期我以立
春清明未云來應作憶秦郎高樓寄徘徊驚膠世苦無
斷續何當諧閨中儻相憶薰風有時回

春蘭有真意

春蘭有真意窮居在中谷端不為人香無言自幽獨我

家甌浦東筠扉鎖修竹頽然被絮者天翹散餘馥五年
客異縣對眼囂塵俗百華盡妖艷信美非吾族延陵鬢
遊豫佳期未云卜同心弗我忘迎人見青目雖微九畹
滋風動情亦篤當門謂應鋤吾當為之哭

七哀

秋風生夕涼吹我東閣帷中有宕子婦清歌寄愁思為
問愁何為良人長別離銀釭弔隻影霜雪堅自持君為
黃河流妾作月桂枝東西各異道邂逅不可期願為衣

下裳結束隨君衣君衣何當披十年守空閨

曹植七哀詩託興於夫婦寫其離愁羈思俯仰感切之意所謂七哀也說文選者猥曰子建為漢末征役婦人作以七哀為痛為義為感為怨為耳目聞見為口嘆為鼻酸而哀末學所未詳也因擬詩而知其趣故書

鈞天曲

清都太皇居窈在冥冥間神光貫中極希微燭非煙紫宸邃以虛絳闕高於天受職徠百靈肅雍朝九寰大饗

通明殿張樂王京山九奏感人心萬舞形物先谷神靄
清唱黯羸撫鳴彈緬彼世間音下俚何娘娟喧闐響雷
鼓蹁躑舉雲鬟彗宇小垂手日月兩彈丸陽春假儗褒
投霓忽高弦壺矢一笑電歌風發三嘆呼吸成千塵神
仙詎長年戕戕帝王都積蘓浮九埏簫韶間猗那鬪蟻
蚊雷喧蟲沙與猿鶴等細不足言遺音寄五柳海山學
成連

欵乃歌

欵乃曲名見元次山集讀如襖靄柳子厚集字
作欵乃見劉言史瀟湘詩曰暖迺知從何處生
當時泣舜斷腸聲音復不同今名從次山詩從
言史

欵乃兮江湘繚兮繞兮衡之陽龍衣兮黼裳帝何之兮
陟方我不見兮攬我心腸欵乃兮蒼梧杳兮渺兮遠隔
重湖龍駕兮鸞車帝何之兮升遐我不見兮泣涕漣如
雲夢兮濇淪欵乃兮峴嶺岫青天兮白雲帝何之兮

上賓我不見今感此下民

菊冬榮

時乎時乎去去如車轂之運行瞥然過目無留停追隨
無及不我待東籬菊花無耗迤邐直到陽冬始敷榮落
落離離砢礪蔓衍布丘坂碧為之葉紫其莖爭妍騁媚
芬芳吐如金如玉之繁英含霜萬顆好顏色節雖可尚
時難并惟重陽日月二九之嘉會此時抱一符乾真年
年間里交相慶賓朋相將相喚攜手登高陵采采插髮

歎終日揉擲碎蘂滿瓊浮醪醺乃今候遲閏冬孟其如
金烏自飛翫走踉黃華從此後期折枉教陶令舒手望
穿兩眼睛殊不見甲茁與芽萌花誠細事足多惜時良
不遇令我傷衷情聖王作應五百歲文昌歿既三千齡
中間賢君苦無輔唐宗世民周宗榮孔子無位皆汲汲
到頭畢竟嗟無成應如此花時來不吐穎過期無用還
叢生叢生失時又無用蹉跎畢世空冥冥吁嗟後聖不
時作使人雨淚零零不如及花開香醪但時傾莫教

花癖後有辜負花名

樓上曲

樓頭月白良夜深美人睡起搗胡琴
咿嚶怨抑如誠訴
四弦了不諧琴音推琴憑欄歌一曲
為聲不成氣不續
和愁擁面歸錦帷曲肱展轉愁相屬
牀前蠟燭光熒熒
乍明乍滅如參星卷衾起來問高燭
能知妾意還不能
燭如不解人深意如何伴妾長垂淚
澄思微物本無情
有懷觸目皆傷志眠來復坐坐復眠
不交兩睫時潸然

自復命薄多離恨春霄鎮長遲曙天親知問得郎書不
低頭無言墮紅雨遲回拭淚強為容不成一語愁還主
何人遠自日邊歸殷勤為問郎歸期待得郎歸與俱隱
不教被劾緣蛾眉

武陵行

秦君植木咸陽市秦民血作東流水秦風薄惡法秋荼
秦郊行人半無趾祖龍虎視吞六雄漆城隱隱陵雲起
驪山罷休營阿房匹夫奮臂為侯王重瞳隆準騁逐鹿

非冬積白何雪霜至人知幾忍徒死競遵大路逃彼方
從茲不復通上國不知戈鋌不見德耕田鑿井自希夷
安居守分無餘職抱孫養子樂天年羲皇何遠今其域
自從別祖來避秦無文不記幾世人曹劉典午任強弱
歷年六百何紛紜山中既絕中原路從更百代猶無聞
武陵野人事漁釣獨游沅溪忘故道沂流探得桃花源
舍舟洞口窮幽討洞中逸民忻見之共嗟遺事詢其老
為言上世絕塵由殺雞命酒爭獻酬具聞宇內戰爭事

始知達俗為優游鄙夫何知尚懷土念念須別還中州
塵心已萌淳樸散桃源咫尺仙凡判還求不得曰仙鄉
寧知死生無少間相望如隔一世間到今沅山色蒼蒼
流水滔滔花泛泛

貴遊行

沙堤大蓋何穹窿底人佩玉鞶蒙
猊儼如熊虎馬游龍
誰何出入咸陽宮笑刀鉞體顏芙蓉步趨持重為雍容
諸侯爰統掌百工調元為職裨九重萬錢一食聲鼓鐘

猶言下筋終無從異時糠噉腸不充家徒壁立其室蓬
抄撮語麗文彫蟲繪為繡句欺南宮不分菽麥疇知
儂且無萬卷澆胷中脂韋嬖嬰陳小忠竭民膏髓自為
功榻前觸事惟迎逢肯思責難始為恭君王謂賢拜三
公門如沸湯賄賂通財侔縣官邑侯封積金猶欲齊
滿室家有錢爐非乾銅賣官鬻獄揚成風後房的爍燕
支紅皆民女婦來無蹤有憂失得常忡忡殺賢賊能摧
英雄汲將同類塞要衝害苗之心饒蝗蝻忽彎射羿逢

蒙弓怡然自得豁心胸黯如抹漆何赤衷向人自欺吃
匪躬高自標置人盲聾言立便擬稱儒宗學禪逃俗坐
談空元非友朋相磨礱世間將謂無軻雄言出波流士
與農却矜巧宦官既穹笑伊魯儒嗟道窮那知達人節
青松眊而土苴及蛆蟲古今異時理道同姦邪未必皆
令終君不見晉朝失國隳金墉為奴為齒豈惟懷愍巡
北戎

夢仙謠

長城役罷驪山起秦人斷念還居里一呼或化為侯王
避之却是神仙子漢家宮殿生荊棘桃源樹樹長春色花
香破鼻桃離離只在人間人不知夢中有客曾一到屋
室衣裳殊草草狗彘難豚還治生若度流年不知老南
華斫壁連天起人家庭戶多流水紅碧天桃百種花不
似几間錦和綺仙人容貌閒且都居處雖貧樂有餘老
子桃紅入雙臉皤然只有銀為鬚仙家女兒多茜衣桃
花宜面葉宜眉離宮茅舍略相似別有麗譙旋為題仙

君名氏猶屬秦許由往往陪遊人老人石上問行客傳
今幾世秦之君為言天下方南北秦鹿千齡經人得嗟說
來時桃始華桃子而今未成核祖龍往日親曾見六合
連兵事攻戰北城紫塞南陸梁傾貲未足供輸輓誠知
黔首無聊生側目有誅正視刑剖心不獨商王受當時
論殺諸儒生我本何辜一何幸避役離鄉共亡命石髓
藥苗聊解飢經年陡覺儕仙聖訊今丞相胡為者振古
如今同土苴驚起城頭角調哀頓覺令人小天下秦政

求仙徒爾為避秦役夫能至之還知道可無心得學道

有心無乃癡

事異於桃花源記者皆夢中聞見爾

陶潛伍安貧記黃道真誤入桃花源事世傳以為仙
或曰非也近人有夢遊仍反者道所聞見為作夢仙
謠乾道三年孟秋幾望翼日記

谷里章

上有青山下有滄洲步有回波面有紅流吞吐風雲呼
吸俯昂審能處之可銷憂退谷中人帶苓箬山中繚遶

茅舍旁寒泉之流激琅琅雙石西峯我在東無情鉤加
此漫郎性情荒浪氣志剛東鄰之人揮鉤車胎鰓孤鱗
浪屋加鉤綸相投不遑舍聲齟齬會懾歸吾家我蓑我笠
聊自娛沒溺愧彼鄰舍漁沙門招提宅谷西金僊宮殿
雲漢齊撞鐘擊磬禮耶毗子欲詣之持清齋箇中有人
坐無為飢食困眠氣答訖撫掌怡然笑呵呵吾昏將奈
此子何漫歌八曲音清冷風高水寒三歎聲勿哦大洞
修黃庭谷中之樂實難名長江北來樊水流東樊山水

曲大回中儵儵之魚泳汕洋鉤舟漁人鼓鳴榔浩歌一
闕清滄浪終焉無求漫相忘大江之東叢石起谿衍聚
石江鳴水小回中間浪不惡釣臺嵯峨瞰城郭去來客
船是中泊漫成二闕回中曲豪人仲謀當漢袁建安之
際鼎祚移江淮萬里吳帝之冕旒十二龍卷垂輅車華
蓋日月旗荒墟之中不可求宮室故處春草青長刀大
劍可治生我先田老相次耕大夫勸相歌三成江北洲
西陽國蕪城桑柘彌阡陌婦可力蠶身力穡四歌不用

愁衣食一元大武牽何之良田附郭吳東陞牧童田父
麻單衣叔閒修治木馱馱從吾真者真吾兒西陽罷田
飽飯嘻五歌六歌神自怡李甥叔靜蕩兩漿弱翁將船
欲安往大回小回閒釣魚送客便擬酣醺如酒徒之謂
謾浪名世俗交加漫不聽行無惡客相逢迎醉歌七終
將八成杯樽坏湖上坏亭浪翁杯飲醉少醒嬉然自打
舴艋行菰蒲芰荷出青萍仰天大笑風冷冷坏湖西南
為退谷壽藤纍纍紫壽木涓泉聿注匯樊曲醉耳琤琮

亂鳴玉城中友生綰銅墨身備四殊攸好德窪樽日醉
主與客挾以石門天地窄坏湖退谷人好遊可厭之類
仍所羞忽焉草木成高丘此遊此泛生幽憂淵明之風
繼者誰士源孟子接武來嚴霜皓雪春風熙倒置日月
寒溫移來遊者子充良知子能得之可勿疑此道不迂
不回適子能識之可遊佚勉強行之今是古谷中之人
君踵武狂生作此谷里章意追浪叟俱相羊松風颭颭
蘭草香與君壽考終不忘

雜詩

東坡

東坡思古也江之廣矣一葉航斯東坡遠矣企而望斯
彼草蒙茸翳于雪堂泱泱濫泉橋亦云亡人知其名我
懷允實崔嵬者山有環彼室江之廣矣跋而彷彿攸哉
攸哉如泉流以出我思古人寥其久矣文如爾矣我心
起矣雪堂之圯矣曷為其止矣人之匪矣若其已矣我
之鄰斯一江之巨我之來斯忽其如寓有懷北堂顏如

以仆相彼道人隻眼之獨具

道人守雪堂者善風鑒常以隻眼自誇

淵魚

淵魚自悼也躍躍淵魚言泉之涸有束樊籠既幽其鶴
眷言懷之翰飛戾天薄言存之泳于重泉戚戚何嗟靡
生靡活胥失其倫上下靡所察視其淺矣宛轉于泥就
其幽矣安處于棲匪我之云為何適何歸曰有虞衡莫
我肯知亦莫我肯悲父母何其嗚呼蒼天蓋亦勿思尾
魚既頽鶴既鳴孰聽其聲孰視其形豈無高天翱翔

靡路豈無重泉戢戢靡寓洋洋者魚惟淵之實鶴飛于
九霄時豈籠中物

誠臺瓦鼓詩

瓦鼓樂有稱也瓦鼓埴埴寘之誠臺誠臺有稱不革不
銅不尚其踐自天之性天性如之何至質無華有稱如
之何埴埴無加誠哉誠哉其儀孔嘉瓦鼓埴埴誠臺之
上崇基有埴可據而居可憑而望湯其泱泱瓦鼓之埴
然稱臺址之隤然抱峯嶸之巍然誠哉誠哉紛會意之

颺然瓦鼓埴埴誠臺之下筠鄉有楚掃地而居修竹猗猗埴其反古五畝之竹兮彼埴者鼓在彼塿兮在彼塿兮稱此麓兮誠哉誠哉會我獨兮瓦鼓埴埴在彼青林有象無音稱臺觀之巖岑稱筠竹之清陰樂稱走之誠心豈無胡牀可將可坐豈無鼓鼓可鳴可播可埴鼓以無和誠哉誠哉不加其埴

端午寒溪早出

雲天鴻濛煙蘿冥密寒溪綫遶荆江壁出竹徑晨遊露

風颭颭有懷碩人遠在清汨不競流芳睠此誠壹道存
語外泓潭納日形模比柳澠如日室萬派瓜分無往弗
徹吾心憤焉莫可致詰


志事

八月九日作

我生之辰六月甲戌師伯清塵羲和納日粵有氛祲南
自葦門輪囷扶疎英如白雲高滅儲胥來循軌道面阻
清池岐分繚繞玦如隄立不即我庭直建于房視左為
榮載明載滅載高載卑甲夜籌三侵尋以微外戶如之

何秋空澄霽庭內如之何靜無纖暄我門我藥豈伊異
人何吉何凶祥讖誰詢發書占之日音受徵公正司辰
廉真變起時維寬大斗建移申律中參陽干庚歲寅庚
刑甲祿三合離鄉王墓加臨金剛火強白維王氣金方
火死從革之占庶乎近止我非瞽史詎易談天禍福由
人無論未然睠言常度時曰休祥尚疑白肯為沴為殃
皇天降異豈緣微物霆擊飛霜其何能忽我顧休明闕
然覲汗可無大戾天為謫見妖星垂象尚克隕之酒血

紅杯亦既泯之邛綰陰誅尚容改悔變見之來庶無大
罪皇天降威謂我修省夕之朝之敢忘申儆戰戰兢兢
念此天變蔚炳如之何無思革面



浪語集卷十二

欽定四庫全書

集部
浪語集卷十三

詳校官庶吉士

臣何道沖

主事

臣呂雲棟覆勘

總校官進士

臣朱

鈴

校對官中書

臣

宋枋遠

膳錄監生

臣

饒文洲

欽定四庫全書

浪語集卷十三

宋 薛季宣 撰

琴曲附哀挽

神人暢

堯事天理人堯民康歌其聖作

莫莫昊天莫夥烝民感兮格兮君之仁混茫萬宇自都
于野余一人爰主於何道兮暢浹神人於何道兮人神

我與

蕩蕩兮帝德高高兮不極吾不知其名兮命焉弗得其人則天兮天乎其仁吾不知其際兮究焉無適伊神人之交暢兮其帝之力

思歸操

亦曰思親操

舜耕歷山見鳩母子相哺思念父母作

彼美鳩雛歸哺嗚嗚所哺伊何曰父母且匪生何父匪育何母歷山之居居庸可久念念思歸不歸何俟

舜操

舜立為天子思事親之樂謂巍巍之位不足保

作

黃屋兮巍巍人道兮委蛇念父母兮庭闈三牲日饋兮
夫豈不時也惜不如在野兮親几履也惟昔樂而勞今
兮吾將已也

南風歌

舜治天下作

愴彼夏日熇熇其暑毒我下民辟焉無所愴彼夏夜鬱
蒸其雨民之愠結莫安其處凱風自南發於茂林實彼百
穀紓我愠心

襄陵操

禹治水作

湯湯泮水兮懷山襄陵浩浩滔天兮昏墊生靈導之入
于海兮王事有程啟呱弗子兮匪我忘情

霹靂引

禹謬防風氏作

天地肅兮伏陽陽以時出兮萬物攸行聲碎兮蟄蟲
咸作蟄蟲不作兮自底夭亡象震出兮惟君王發號令
兮驚四方惛封禺之守臣兮自為聾瞶死霹靂之下兮
式彼天常噫余非好殺兮刑憲有章

適薄歌

夏民去桀歸湯作

瞻彼薄兮俗灝灝兮父母邦兮蔑強暴兮瞻彼薄兮俗

洋洋兮父母邦兮蔑暴強兮茫茫禹迹紊其經紀適彼
薄兮言歸父母

箕子操

箕子為奴作

天道渾渾兮不享繫神器從神兮適彼西鄰昏社稷之
貼危兮君無與守將正而斃兮誰善其後負罪囚奴兮
九疇我保庶湯孫之復兮載興商道

文王操

商末鳳鳥集於周作

鳳兮鳳兮鳥之王兮覽德輝兮為嘉祥兮匪下昌兮我

王明兮

克商操

武王作

天命文考翦滅大商發將天命戈矛有光非余武兮獨
夫自亡非余武兮天啟先王

采薇歌

伯夷叔齊餓於首陽作

陟彼首陽言采其薇可以充腸可以樂饑采薇采薇首陽之下可以全身可以安處采薇采薇首陽之巔可以適己可以窮年在彼亦食在此亦食雖傾天爾力父子有常職

麥秀歌

箕子過殷墟作

麥秀漸漸殷宮兮肅肅清廟儼惟墉兮城郭依然澮

歆通兮惻我心摧悼人亡兮寤彼盛時阜雍熙兮車蓋
幢幢來朝宗兮自我成湯德顯顯兮恍如夢驚留眼中
兮今我不見內猶霧兮

神鳳操

成王以鳳鳥至歸美周公作

大樂和諧兮神鳳來儀彼周公之聖兮余何德以當之
丘陵歌

孔子歸魯傷道不行作

陟彼丘陵岡阜逶迤莫適所窮曷知所止泰山蒼昂四
國之望人之弗登道舊云亡顧瞻周道坦平如砥捷徑
斜歎小人所履豈不由乎此式遵乎彼彼大路棘矣何
能久矣

梁山歌

魯子耕於泰山雨雪旬日思歸溫父母而不得
作

雨雪霏霏梁山之下樸遯其凝皓其郊野凜其寒矣曷

藏曷御親庭孔邈孰為溫者台不能此處歸途無所台不能此處曷其疾去

歸耕操

曾子學於孔子十年眷然念二親之養不備作我欲仁遑離二親自我不見於今十春心雖不去情不親聞師教有年子不曰夫孝終立身而始事親求仁斯得仁事斯語足以窮吾年歸耕乎休歷山之下有良田參來其誰芸歸耕乎休以一貫道者吾夫子之言也去

不我留者年也不可得而再事者親也歸耕乎休耘耜
足以待豐年也禾黍足以奉吾親也樂道足以富吾仁
也歸耕乎休如是夫豈食吾貧也

汾亭操

文中子去隋作

我思周道兮適彼鎬京遵遠孔直兮蹢蹢其行驅車潼
華兮草莽冒余軸限河渭兮濟無津梁日啣山兮天欲
夜愁雲結兮不成雨我心惻兮思故鄉汾亭寂兮汾之

陽陶唐氏之遺風泯然其若亡
嗟吾徒兮捐或狂振還
轅兮去京邑戾塗泥兮道猶澀
汾亭上兮有六世之遺
書野有田兮汾有魚宵續經兮
晝狎佃漁闢闕里兮薙
萊蕪倡弦誦兮開羣儒神交周
孔兮獨樂有餘

水仙操

伯牙學琴於成連成連與東之海山操舟而去
伯牙居歲所因觀感而得琴道作

海山中兮四無居人海之濤兮渺漠而無垠浮空輿地
兮風雲濫其出沒朝而潮夕而汐兮浩兔烏之吐吞彼
鳥兮飛鳴彼鹿兮跂跂聊淹留兮歲聿其莫鼓絲桐兮
從夫君而與歸

沈舟操

走夢濟江而船首
折作九月九日

悠悠之川兮汎彼淘河一江動蕩兮恬風靜而騰波瀾
翻下瀨聲淪淪兮柁師不可以告語沈舟折首兮天其
奈何愚夫婦兮中倉不濡行褚遷於高岸兮婦沾漬之

長吁身之亡矣與存不殊渺江波之瀰漫走於行之不濟也嘻命矣夫

傷劉復之三首

交情不在久還有白頭新兩礎知同氣斤塤喪善人薰焚雖有恨玉折豈無因世事都如此蒼天何不仁

聞憶鱸魚去嗟君獨見幾若何車軸折未迨草廬歸殄瘁吾心懼云亡世德稀南風方不競民援欲誰依

世念吾衰久為之慟却哀知言非語到見事直心開吾

道傷麟出韶音憶鳳來州鄉桃李地編戶想悲摧

劉復之哀詞

走罷令鄂陵就舍永寧劉君復之始鄉貢自莆
田校藝南宮第一試郡之戶曹掾郡人亟稱其
賢參之友生百口如一走不敢知也已而歲大
灾饑癘比屋復之請粟於郡身挾醫拉鄉士夫
家至戶到以哺以藥作舍作粥養視亡歸道之
棄兒畢見收乳州將不樂不為沮彊齧礙途不

為止頃之從者染疾死暨者繼而死親識為懼
復之志益堅用是疾者瘳餓者飽孩者長死者
葬一郡四城惠濟如一民有知者字司戶曰劉
父其蚩蚩者但謂官之生我而不知司戶之德
走心乃大服介鄉先生鄭景望吏部一見於是
始定交曾未及親復之有公事其謀必見及走
難出入官府然不敢不應復之垂被代征兵有
潰歸者聚城南仁王寺且將起為變復之因人

見語期會於城南走謂復之信德在人可喻而
解疾馳如會則復之固已前至潰卒聽命罷休
矣走感復之又當為軍政地復曰主命者何若
相視笑而罷郡人至今鮮有知其事者復之已
受代走及朋從復之為數日遊言有至難發端
如響噫誰曰復之世士不曉天下之務邪趣召
而朝幸其語合分社司牧尚未為棄何意長沙
之鵬又止賈生之座走勉復之不潔去就是不

為無恨矣聞病良已弓招踵門啟沃簡衷芸閣
校讎不繇召試用以為天之相道真可為善類
喜旋即以參佐出尚高其勇退走之再召多復
之推挽之力於走辭命復之開譬以書謄答亡
何价以亟返復之道次三衢死矣嗚呼音容如
接緘墨尚新人已隔生有慟而不自知者每恨
民之無援賢於人者輒死孰有若復之之賢之
志且有其地方起為天下用而發軔軸折是則

當世之感於故人尚何道復之之逝走嘗哭之
以詩懷不已已故志其德在吾鄉與未聞於人
者與走之事契始末為文以哀之且以寬釋其
親與其兄著作公復之名朔紹興三十年進士
年若干辭曰

天胡不仁兮瘼此下民良苦乏賢兮賢人名去而僂緊
世途之好徑兮正路榛塞閭閻重重有栗階而進兮不
崇朝而折翼鵠鴟司政兮蝙蝠之晨猿仁何咎兮擯自

王孫寧是不思兮天實為之皇浩浩之充天兮豈其已
而鴻翱翔而遵達兮退飛者再搏扶搖之直上兮竟翻
翩而長逝夫豈人為兮呼天不聞人莫不死兮不亡者
存小官之不卑兮賢聲載路視彭鏗其猶天兮後昆有
裕楫實雙而一瘁兮哀哀者毋紛孺弱之呱前兮蒼天
太苦生者作德兮死者有仁嗚呼哀哉家國無人非余
患兮余悲夫抱志之不伸

外舅孫帥挽詩

行誼推前輩緊公學大成博通行祕府威德隱長城筆
力千鈞重詞源三峽傾懷珠颺躍浪杖策穩登瀛奇節
為純直危言襲鳳鳴絃歌風四甸領袖服諸生任付即
山鑄章分煮海程錢流邦貨重利半國租贏政抑豪民
折人知公道行繡衣休直指彤矢賜專征劍戟森營壘
邊陲卧鼓鉦正辭平楚獄折簡罷蠻兵治水防云固為
魚患不萌蘊含荆玉潤廉挹蜀江清流馬追前躅輕裘
擁後旌鸞聲仍噦噦蠅矢自營營毋謂鏐金鑠其如衡

石平功名書冊在冠冕擲瓢輕棠棣輝方韡瓊瑰夢忽
驚人間傳說謝天上歲星明有美稱遺愛無窮企令聲
汨碑兼陌祭西蜀又南荆

故使制置閣學蕭公挽章

萬夫印止配高山德望巍峩履道安容貌閭閻服鄉黨
風稜凜凜冠朝端鳳鳴往格君心正鸛擊曾聞奸膽寒
八葉相家長已矣空教有識涕瀾沆

陝服他時帥五侯盡心分主顧西憂為民發廩成歸節

揖盜開闢記釋謀澤施人生追灌口法垂當世說遨頭
華陽舊志今誰續巷祭餘哀可見叔

履賜西州事可尋稅輶無在不常陰憶參盛府開巴峽
忍送靈輻入鳳林語上故藏應筆鑑家傳清尚只龜琴
自傷下走青衫少慟哭無人知此心

脫巾自責為兒非叱馭辭舟識洞微不辨盜金緣重義
危言料虎自知幾惠霑神物能通夢節感鄉閭憶葬衣
今見我公公又往後生學古欲疇依

高邦貢挽詩

世道久衰息惟君尚典刑
好詩清臘雪醇德醉春醺
考筭窮三易傳家守一經
高風不可見誰與勒真銘

張端明挽詩

闕

凋落傷前輩風流屬老成
和羹方爾用接淅已吾行
卜筮占先志儀刑式後生
贈同開府相哀誄易佳名
帝功成贊育天道與為徒
祖帳霸陵岸扁舟笠澤湖
送鞋非李泌哭市有郇謨
已矣龍輶稅依然曳尾塗

張思豫挽詩

蝗食虛來鳳牛刀第割雞解紛誰俠行懷惠或嬰啼寤
歎傷凋落虞歌思慘悽鄴侯家傳在蘭佩可童臍

許深父母挽詩

載德稱賢母宜家起令郎背萱傷蚤謝蟾桂籍流芳負

米思何報啼穉教巨忘一篇勝得第應喜賽錢塘

羅隱
當辟

錢塘令令狐絢不喜其
子得第喜得隱一篇

陳蕃仲侍郎挽詩

鄉黨名卿有幾人如公學術兩離倫
貢金政告忠嘉舊
春草詩傳語句新北使皇華申昨好西岑野色近來親
忍觀封鬣眠牛地蘊我東朝法從臣

孫元式挽詩

世盡宗韓柳君期振古今文場聲籍籍武庫入森森
未契千年運終孤百戰心一官端溷子遐及贊鳴琴
凜凜東門會巖巖烈士風語高文筆外懽溢酒杯中契
濶從睽隔綢繆見始終之人而不壽吾欲問蒼穹

周詹事操挽詩

前輩傷凋落如君尚典刑
政聲喧劇郡直節挺明庭
江海理歸棹乾坤託旅亭
相知不相見如洗淚吾零

周待制淙挽詩

昭代開昌運名臣取世資
權謀乖保障彈壓治京師
方接清風會俄驚汗漫期
此情誰與論虞殯屬篇詩

走作復之哀辭將寄諸賓之旋聞賓之下世道中

哀痛之劇

虛傳流水遶壺公興化衣冠轉盼空擬比三君扶漢室
肯同二陸起吳中泗川始訝沈神鼎劍浦俄驚合化龍
韶齟滿前垂白母此情何處問蒼穹

浪語集卷十三

欽定四庫全書

浪語集卷十四

宋 薛季宣 撰

五七九

五監

昔柳子厚作三戒東坡蘇公著二說顧事有類
是者述五監以足之非敢繼二先生之作亦各
言其事也

魚有鮓所謂蠢也渾沌而無有眉目如浮漚聚沫然有
茅蝦焉雜然而翔其首鮓倚蝦之視當潮之漲遊於江
之浦潮去而蝦不知也涸鮓於塗人得之以食使鮓也
非蝦之目泛然而放於東溟雖蠢焉猶與之俱化則其
天也全借目亡身而蝦亦不自脫也可悲也夫

辰之虎有即田豕者實積牙之豕也揜形於穴礪其牙
以抗虎不勝憤欲以力制之豕穴土而奮焉全地羸五
畝虎傷於齧三日與俱斃兩體一無完膚以虎之威戾

其剛以騁非所施其摯猛不能知難而退與一豕同盡
自取之也尚何怪

蟻慕羶聞羶畢集介蟲有鯪鯉者羶物也知蟻之嗜吐
舌張介以羶啗羣蟻蟻集於體則卷舌而啖之因舐其
甲無遺蟻嗚呼蟻知羶食不知患生於所嗜反為羶敗
哀哉

獸之愚莫鹿如也麕足修而善走田犬不能逮遇犬之
獵鹿則盤辟而跳去欲以混其蹤常用此見及力窮計

迫則藏頭於莽以為狗不已見犬得控其後殺之嗟哉
使麕知捷足之足恃疾去而違之雖良犬如麕何極其
少筭竄頭以自固不亦傷乎

漢之湄產鹿鹿羣過千計虎難其衆為數以取之鹿齧
於原則振臊環其外闕焉而伏於下鹿齧得臊始恟求
臊之闕委而去之不暇筭其曹也虎搏於其後鹿如數
而得夫鹿之苟免求遠禍而禍從之卒喪其羣雖羣何
濟言之有足傷者故書

七屆

無然先生居崆峒之山巢喬松之下不設藩籬不為庭
戶引水以通其流耕田以餬其口語默不常無能知其
極者冠服者七人同行於野聞其事於野人豫然詢其
居處謀從而師尊之進趨乎先生之所邇風而前承風
而語以請於先生曰竊聞天高而物覆焉地厚而物載
焉聖人德配天地而民取制焉小人無似而各有志焉
迄未知終之所屆夫子之道廓如無外灝如無際寂然

不動而變適不窮曷知始而知終無乎不在無乎不通
固已合德二儀同成歲功矣中庸其有擇焉不識蹇蹇
之志可言於前乎先生曰可哉

微生者位六人之後蹶然而進曰有鳥有鳥巢林之巔
有魚有魚則潛於淵百歲之日在大化為噉咽之間行
樂須及時日月為我延我有高堂金玉成之瓊室椒房
珠璣繁之華閣層樓接漢凌煙浮廡脩廊凝虛回環後
聳崇臺間以流泉彫楹刻桷栢梁桂楣深湛海澗岌峩

天齊懸壁璫樂琇柄宛曲檻儼玄墀霓雲連而鱗比簷
軒翥而鸞飛星居煥其錯落粲神光之陸離別姬姜之
嬋娟皆紅粧而翠眉髮鬢如雲粉光如玉麗質天成清
標振古冠芙蓉之嵯峨曳霓裳之楚楚衆樂合奏八音
具舉吹洞簫鳴建鼓靄登歌紛屢舞奠金罍酌清醕羅
饌珍之百味具鳳卵與龍肝文豹之胎玄熊之蹠丙穴
之魚槎頭之鱖紅鱸絲瓊而並薦睭果肴其麗鮮方
丈綺錯五齊濃淵燕樂嘉賓以畢歲年耳熱酒後醉歌

狂顛歌曰烏菟川逝兮不我遲寧知昔是兮今非人生
能幾時有酒不醉夫何為予以為樂不知其外優焉游
焉聊以卒歲夫子將許而進之乎先生曰替哉燕安枕
藉吾知其斧斤醜毒也不知其他

榮生曰三光錯行所以成天德也百吏攸司所以為民
極也三公之位九卿之職既尊且榮光輝赫奕莫不紆
紫綬綰金章班彤庭升玉堂密勿泰階以從君王吹噓
則品物生春叱咄則風雷改色無志而不信無求而不

得內子受小君之封諸兒執郎官之戟九族恩覃四方
是則爵從九命列土苴茅王人致伯治陝分郊謚寧方
夏紀司百辟宮殿蒞其屯雲九章爛其車服樂舞六佾
城周百雉有寶玉之分器列山川之命祀鄉明而治南
面稱孤宗祏之享逮高曾惠澤之溥滋萬夫弓矢賜於
天王征伐行於諸侯濟濟盛鶯鶯之行熊羆羅糾糾之
夫整我卒徒一時隸武既飭我車既勒我馬千乘轉轉
駸駸四牡建拂天之翠旗載干雲之丹旗前行霧合後

騎星羅擊鼓其辭載驅載馳兩首蜿蜒而蛇行八陣舒
卷而雲飛山川以之晦暝日月以之騰暉於是鳴金鉦
飲雲霓放卒駟效勇力乘高陵蹶巖石合圍電轉逐如
颼風拔潛水之蒼蛟落陵口之素禽下飛虎於木末執
玄豹於山南獲獸堆岑血蹤蔽林顧夕陽而旋返翕女
樂之嘉音舞袖欬其輕颺紛衆鼓其鳴琴厭厭夜飲和
樂且耽朝宗於王綽有加禮實獲我心於穆不已士之
通達於時至於斯而極矣夫子將許而進之乎先生曰

彼哉不義而富且貴於我浮雲如也不知其他

誕生曰蚯蚓不可以語神龍之變燕鶻不可以語鵬程
之遠知小力單曷施曷展知方之士固不與志富貴者
同其蹇淺也彼高蒼蒼有神都焉是曰鈞天實為玉京
粵有靈之殿廣樂之庭兩曜二府千官衆星跨虹霓以
為梁馭煙霞而以乘礪磳為之喊噓號令震其雷霆至
人鍊形身乃輕兮鶴駕龍車迎而升兮絕塵叫閤以遐
征兮其樂無涯不可名兮滄溟之東弱水西界壺山青

葱巨鼉首出金闕玉堂銀階瑤陛聳高高而不極帶浮
雲之溶洩玉樹扶疎以成林琅玕參差而縈帶朱叢苦
瓜而小核蟠桃如枰而並蒂馥郁香草維蘭維蕙輪蠶
丹芝蕨蓂其砌鳳鳥翱翔於園樹麒麟馴擾其庭際仙
靈之人皆壽無極飛魚薦其朝飧玉醴為之夕食吞日
華燕瓊液服青霞縈素霓雍雍容容披雲御風遊儵忽
其千里欵始上而已降其樂非人間之類蒙悅心而熱
中夜吸沆瀣旦啗太和鍊靈砂之丹火咀玉藥之瓊華

嗽珠漿飲神醴饌肉芝嘗石髓鳴天鼓叩貝齒頂朝霞
之危冠佩天樞之神璽緝鶴氅而為衣蹈五雲之高履
旦旦朝元庶乎高企幾應之來下將以追夫仙者油雲
為我生青鸞為予舞東朝木公西賓金母遊神八極寓
目萬寓老矣後天壽莫知數是亦不徒生矣夫子將進
而許之乎先生曰誇哉荒唐方士之言聖人不道也吾
不知其他

庸生曰太上立德其次立言吾不敢以希上次庶幾而

企馬仲尼之述者六經今或亡而或存易以盡神春秋
凝命禮樂存誠詩書正性孝經立其大本魯語會其蹊
逕其次諸儒之說亦彰彰而孔明中庸述於子思易傳
成於卜商春秋左氏之辭公羊逮於穀梁爰及史篇善
惡是揚諸子則曾王荀孟賈董韓楊異端則楊墨孫吳
佛老申商鬼谷之徒其言之詳紛競陳而破卷咸有正
於羣經吾將獵其菁華簸其粃糠汎遊覽於前修畢哦
咏其辭章自含醇而吐醕維舍短而取長懷玉之瑜茹

菊之英賦詩篇續離騷補官箴廣歌謠舒箋染翰吮墨
含毫文繁羣華璀璨瓊瑤追逸蹤於絕迹發新意於來
今仰不愧於先賢中有當於人心蔚神文之娓娓哂才
士之浮淫作自我而名家夫豈人之臣僕以明道之淵
源擬三光之旁燭用馳騁於中原等駉驪之行陸摘章
罪其雨散麗藻郁其蘭馥粟粟嚴冬之凜煦煦春陽之
煥以是為木鐸而鳴之於以贊夫化育夫子將許而進
之乎先生曰小哉辭文一藝爾君子依仁據德而後藝

可遊焉六經不謂是也吾不知其他

汲生曰草之繁蕪不離於腐木之披離不逃於蠹均受
氣而成形乃索然其如寓諒無德而稱焉匪他之故人
萬物之靈也可寘焉而無務且修名之不立誠君子之
所矜必於身而有見將有事而足稱孝於家忠於國信
其言果其行夫然後行而名以此成位乎人之廟堂將
守忠之言進必致主於三王庸括囊而循靜諫惟其正
將虎鬚逆龍鱗而道以此信冒叢棘回帝力而後為稱

職羌自效於小官亦昭昭如必聞寧直躬而隕首無左
道而逢君如牧民於都鄙澤逝廣而惟均凡小人之務
勦慎兢其及人將夫將三軍帥六師討不庭誅畔夷倚
分甘而均逸款共煥而同饑進螳螂於轍下流春酒於
江湄進遇敵於前行畢同心而載馳陣雲敷而霧卷颭
已往而還來震雷鼓之喧天聲磅礴其如披摧堅城而
執豹貅斬豪首而攬牙旗前無敵之可當展如虎而如
貔惟安人於一怒夫豈高其勇力用博濟而施仁永躋

民於壽域近悅附而忻忻致兢兢而遠來達乎上其如是沈以顯其清議體正以方我則章之言善以當我則揚之行頗以僻我則直之道曲以畔我則辟之期此道也無時而不振無時而不明無時而不立無時而不行以我之軀麼然之微入鷄之羣如鳳之儀厠石之間如玉之琬夫子將進而許之乎先生曰淺哉役乎名者不與有立悅乎外者不可與適道吾不知其他

高生曰驪龍之飛何羅之網丹鳳之翔豈為俗羈苟汨

波於塵囂將驚羊而視之知遠引之足尚遁世絕俗夫
何疑式高舉而深藏於以全其天力惟患道之不宏豈
為人而役役我有良玉蘊精於璞我有孤表反披其韞
資一身而有餘夫何為乎有作青山幽幽浩蕩江湖有
石有泉有雲有霞紛佳景之不常萬象變於須臾孫竹
槃玉筍野花鋪錦綺松檟檟而孤貞泉涓涓而清泚鳥
日夕其往還人安閒而自喜築室山阿茅茨素樸孰為
主客孤雲野鶴鼓絲桐以抒情音寥寥而滿壑時披髮

而行吟宿不知其何樂雜幽蘭與杜蘅不為人而方馨
爰孤峯之壁聳佩璫璫其礪聲百草夥其咸遂猗盈前
而青青面有漣漪步有輕舠恣野情之安往匪憚涉於
風清水涵虛而無涯歌肅肅其清高鼓蘭橈漾澄流撥
青萍狎浮鷗迅短蓬披鷺蓑采絲蓴擷錢荷穿芙蓉之
叢杳出沒於蒹葭慨自如其忘返視汀島其如家舟悠
悠以何之迹泛泛之輕舃投絲綸引肥鱸縷膾玉鬪春
華薦冰盤倒冰壺茹新薇飯香菰樂生而已宛不知其

所如萬物不足為吾累眇一身而安虞於以窮年其樂
只且豈以我之清潔而逐物之營營乎豈以我之浩浩
而從人之浮躁乎如斯而弗去也夫子將進而許之乎
先生曰遠哉獨善其身可矣以為道則未也吾不知其
他

安生者逡巡而退蔑然無言先生曰而何言安生曰予
何言哉六子之言詳矣悲矣吾不知其極矣予何言哉
先生曰亦各言其志也安生曰予何志要歸其中而已

爾必也將有行也將有明也舍天地而何方哉夫天之
高高漠漠而蒼蒼曷知其大曷止其鄉日入陰生繁爛
三光雲油然其連鬢膚寸合而還亡轟霆閃電雨施風
行生春長夏收冬藏乾乾不息其出無方綿古亘今
弗改其常凡此道也固已植立乎其中有意存焉失得
寧免於茫茫伊坤形之厚博其以何而能度宏山海其
深高瑣細及於沙石芑芑草木之敷榮煙火炎而旁爍
金從革而中剛水至柔而潤澤鳥之飛獸之馳夫豈容

其私匪得於此曷之為天無為而時行地無為而物生
人儀形於兩儀惟至命而存誠道之妙也下焉而卑上
焉而亢信之則盡乎庶物舍之則密而退藏凡動靜出
處語默柔剛云為用舍曲直員方故非此而無行終亦
不知其所從毫杪之差忽焉而亡彼天地之時成名君
子之五常伊執方而弗通乃形器而可量羌不滯於端
倪允合德而無疆淪山澤履朝堂處富貴攷興亡將朝
夕之不違蹇有行而曲當故夫得一之至貫通萬彙變

動不窮舉臻理義不可暨也庸可志也不可陳也庸何
言也予何言予何志先生唯然而進之曰庶哉至矣當
矣平矣常矣博厚而高明矣吾與其行矣六人者隳如
若廢覲然喪氣而問諸安生曰夫子之道可以無志乎
安生曰此非吾所識也雖然志吾志也烏知其棄置也
六人者獲然如瞽之決其眚也始知安生之大盡棄其
習而學焉弗愆其素弗移其外居無幾而咸有所屆

九奮

啓憤兮申冤訴哀情兮隙矢言叫蒼天之無辜兮指心
以為正將求信於旬始兮或咎繇之我聽神羊不世有
以觸邪兮其誰宜為政親莫親於手足兮而為之詬病
重莫重於君臣兮而讒言以興余服蘭而佩芷兮扈江
離與蕙蒨紉留夷而緯楫車兮以為束帶青雲冠兮遠
遊履心曠漭兮橫四海日月昭其清明兮孰興雲霧余
既有此高潔兮羌謂余為卑污鳳皇翔於九霄兮燕雀
與程其度蒼蠅矢之亂白黑兮人夫何為乎不悟於穆

修靈之高厚兮天與地其作配三辰煥其服章兮揭招搖而為蓋拂白螭之純素兮列蒼龍於左輔朱鳥熒煌而先後兮神龜昌揚而禦侮東南海而西界羌兮商於崇其北戶愉昭明而震起兮譔發揮於天下余日望其遵此途兮放意咸池乘玉虬兮俱奮飛開閭門兮造東父逍遙遊兮太微何鷗鴉兮名鳳皇駕金車兮翱翔之桑間兮溱洧之側樂盤遊兮三旬不息余心隱憂兮惟靈修之故也靚修飾而娟娟兮而以為惡也余靜好而

弗余親兮蹲踏蛾眉之妬也足頓地而不我知冤兮仰
天而不吾訃也省吾私而內不疚兮此固天之數也悲
幽幽兮楚宮深望漠漠兮楚雲陰指天極兮清高聊適
我兮遐心吸正陽與沆瀣兮於夕陰與清旦騎朝霞而
御白蜺兮以遊以衍和六氣而與居兮不知我之為物
升天入地兮儵來往忽靈修可告語而獻之兮將我從
而我涕重曰皇蒼愉和物無他兮陰靄飛騰儼惟瑕兮
雲收風靜恬靜嘉兮悠悠我心可如何兮

右啓憤

怨春風之不仁兮既發我羣芳與衆葩羌無遠而不屆
兮爛錦綺之紛華柳青青兮花熳熳黃鸝擲兮聲度轉
香襲衣兮馥馥滿路又吹殘兮何故匪黔羸之媚嫉兮
是殘醜數摧傷物之通美兮且以成其獨異彼丹葩兮
適榮樹端今飄零兮匝地漫漫昔芬馨兮襲人旖旎今
質存兮已塊然而少氣野之草兮昔芽萌其嫩今生砌
兮亦盤盤而錯錯余啟卜於靈氛兮問其何故靈氛示

余以其繇兮曰皇之常度在天地萬物其盡然兮夫子
何疑暢其理而誠告兮子其知之曰人生百年猶樹花
兮三春發榮繁其葩兮光彩馨香能幾何兮壹夕飄風
竟辭柯兮彼隨颺兮展轉或歸根兮或遠或一墜於庭
闈兮或遂沈於坑園風何知而花何有兮子之心焉眷
眷嗟世態之汨於是非兮孰通其說西施見斥兮嫫母
為說毀棄尺璧兮鼠璞見珍明月沈埋兮魚目為蠙美
自美而惡自惡兮厲與真其誰分春與秋其代謝兮子

何與而傷春余不得此之高意兮懷遠人之至言斯從
事於來今兮豈然

右怨春風

桂棹兮蘭舟去景兮悠悠維赤岸兮裴徊睠丹陽兮夷
猶中腸鬱結兮神情惝恍思夫君兮聊淹留浮涔江兮
放於河漢泛淪漪兮極其汗漫悵始異而終同兮匪他
回波瀾兮顧復之豈遠婉清揚兮採蓮女要美人兮北
渚攬芳蘅與若英兮備雜采之芬馨將日仄之與期兮

指潛波而為明義和晻曖其西入兮暮雲合而美人不
見怨芳心兮泣蘼蕪余以衍秋風起兮颼颼蕭索幽蘭
秀兮芙蓉亂落感北江之東注兮沂洄之宛宛羌順夫
而不極兮蕩波之有沔鳴鳩雨而逐婦兮言歸以霽動
人情兮弔孤影而零涕去靈修而自放兮余心不忍回
素首而不見其形兮於斯焉其逾逝亂曰冶余容兮安
閒自喜蓀窈窕而不我嘉兮何以苟承恩之不在貌兮
蒼天謂何分此生兮已矣

右去郢

愁城結余之方寸兮羅累千之雉堞繚其外惟怨水兮
知褰裳之不可涉揖輸般俾攻以械兮訴余曰罔克礪
利刃而斬其闕兮礙重門而莫得登東丘而延佇兮見
滄溟之滉漾深湛漫兮受百川之潏潏朝與夕有汐潮
兮冉冉來而西漲江河之波倒流而西傾兮汭崇丘而
以上歎忽洄流兮已往來孰使之然兮去誰與讓曰夏
后之勤勞兮導川流之歸王執玉帛而朝萬邦兮凌會

稽而會計穆百神之受其職兮罔或不至瑣防風氏之
恃脩軀兮朝宗敢後缺我折兮破齊斧骨專車兮以徇
於天下於越守東藩而奉其祀兮盛浸淫於中世句踐
王兮始大北爭衡兮吳會棲會稽而幾不免其身兮惟
種蠡之與謀朝嘗膽以苦身兮將反之於寇讎吳夫差
之不仁兮忍闔廬之餘恨甘蟲蠹心兮尚不覩乎其面
說妖女而築姑蘇兮哂胥臣之悶悶乘鷁夷而蹈斥溝
兮不及夫椒之親見麋鹿遊於吳宮兮火災興於採鷺

羌伯越於中原兮通舟梁於梁宋痛曾孫之殞其緒兮
西面朝於雲夢鄂渚豫章有虎狼之遺跡兮曾不知其
所重虛鍾離而徠封豕兮寧待我師之所控心招搖兮
故丘將蹈海兮襲滄流望鯨鯢兮山峙蹇產吾心兮索
然無氣

右東首

越夏首兮西泝張清蒲兮疾去鷗吻低徊兮翔翔風便
回首東冥兮日遠睇蘭洲兮芳杜若羌吾好兮不得泊

聞持鼓兮辭辭余心結兮尚何樂西風駛兮江皋舟迎
風兮遡流進將寸兮退尺凝遠眺兮江水幽幽江風號
兮漫天素濤走魴逼人兮將吞舟余奈何兮儻忽下有
蛟龍兮出沒江豚得意兮若神肆跳梁兮衝突泊兮恍
烏雲潑墨兮吾上天地變兮不可測渠泉飛兮無峭壁
遭徊余桂棹兮蘋叢至止曳方竹而相羊兮攬芝中沚
蘇椒紅兮和羹寧辛夷兮用餌雜薦兮蓀蘭載敷兮薜
芷風細細兮波停縱余舸兮于征長歌自返顧一返兮

屏營倡曰扁舟大江遡狂風兮下地登天轉飄蓬兮人之死生將彼舸之攸同兮停橈待濟考攸終兮賡曰逆天理兮雖大而覆順其然兮百福攸助叛水性而余求兮噫其何故

右遡江

巴丘兮崢嶸欽岑兮洞庭秋霖兮閣淚春草兮愁生巴之蛇兮脩之雲英甲兮火晶戟微手足兮惟行雲霧飛騰兮匪翼知絀信兮天性展轉委蛇兮至行朝之遊兮

衡岳莫飯流兮湘曲鹿焱起兮中洲人之逐兮悠悠紛
繚亂兮海波弗靜逐之顛者相望兮莫得持其腰領鹿
冠元兮森槎千角蛇銜取兮不畏觸歲三遷而解甲兮
骷髏具吐羌有獲兮故無取象巨牙之雙植兮肥腩碩
健肉雞兔虎龍而牛幹兮得鼠狶為首面性羊狠而馬
行兮狗猴心而蛇變既備此十二神象兮害於田其不
遠蜿蜒蛇之怒兮吸無勞乎宛轉雖有此脩鼻駢齒兮
寧復餐而以卷不勞咀此齒牙兮害以蛇除珠顯灼而

光明兮不在短狐之毀譽遊若蘭兮芳洲卧香蒲兮翔
素流芷江兮戲豫丹穴兮優游何蜂蟲之陰戾瑣微兮
藏形於閭騎蛇頭而啜之兮墮厥頤而脫領阜堆骨兮
名陵風悲雨泣兮千齡萬齡象種繁兮蛇既斃欲吞之
兮誰能舍鹿犇兮其復獲登蛇丘兮涕零零

右賦巴丘

解荃維兮放蘭舸蹇南越兮洞庭波噴浪花兮飛白雪
身何居兮入明月聊凝神兮隱處夢龍宮兮波之下珍

珠庭兮紫貝闕璆琳宮兮犀甲戶朝龍君兮殿堂芟荷
巾兮蘋藻裳圭琉璃兮苻帶佩美玉兮琅璫龍君遊兮
何之水晶宮兮丹水湄驂蒼虬兮飛廉御豐隆車兮為
後屬礪碑驅馳其左右兮使風伯為清路都離宮兮忘
反命羣臣兮燕衍苴蘩蘊兮形鹽列鯨胎兮龜卵張鈞
天兮廣漠野鼓蛇鼓兮震鼉鼓鏗浮磬兮龍鍾歌湘靈
兮竒相舞三行兮清醑戛止兮杙敵觀其臣之就位兮
厥令尹曰瞋鮭揔羣蝦而將之兮胄乃元惟鯢魚綠蛙

聲之聒聒兮位高於五諫鱸魚大而無庸兮處之冗散
鬱鬱余心之惛默兮周章而蹇產欲敷詞而夢覺兮嗟
言之而已晚忽忽余見斯精物兮徒臨流而悵惋

右記夢

行吟兮大澤邈無人兮臨水石被髮兮徙倚彷徨遇隱
淪兮嘉客艤魚舟而前致恭兮問余以名何徒搖爾精
兮焦然爾形曰原楚鄉之貴戚兮三閭次也同王姓而
氏惟屈兮靈均先人之字也世滔淫而混濁兮我惟潔

清彼醉者之紛拏兮同怒余之獨醒漁父愀然而教之
兮曰聖人之致一不必動而營皇兮卓時中之變物貴
莫貴於和光兮太潔在情之甚嫉混濁世兮胡不揚波
而泥渥衆皆醉兮尚可鋪糟而醺歆不同人而求自異
兮宜一朝之見絀指清流之灝灝兮余將以逝方浴蓀
而沐芳兮振衣冠而卒誓不自塵其皓皓兮受汶汶而
蒙世父行歌而鼓枻兮舟飄飄然無凝滯歌滄浪之水
兮時乎清濁斯濯纓兮斯濯足望斯人兮搖搖欲從之

兮無由煙雲邈兮不可見嗟斯人兮已遠

右行吟

觀吾生兮何為乎今之世永悲傷兮耿耿夜長而歎寐
臨清湘兮思逝無舟偃欲行兮不濟擬飛騰兮假羽翰
於黃鵠鵠已亡兮曾是余之能服將解衣而下遊兮潛
川不貫懼射工之余中兮備蛟龍之芻豢登衡山之嵯
峨兮栢松委靡怨飄風之怒狂兮害於物理猿狖嘯侶
兮上獲我冠荆榛塞路兮下穿我履望蒼梧兮將望華

之雲懣懣九疑之不可辨兮又藐然其煙霧殺竹枝而
求汨斑兮思二妃之槥度哀靈修之返無期兮孫舍茲
將安寓首陽河濱遠而不可適兮視申子夷齊其有故
將從此汨羅之泚水兮儻務成之或遇悲女須之嬋媛
兮臨流而止余涕滂沱兮心悲江渚念我獨兮斯不可
以久處心如石而莫轉兮吾其此介與子別兮余將于
邁褰余衣兮不我止蹈清泠兮余乃已抱巨石兮懷沙
謏同流兮灝波其窮幽兮渺渺皇乃德兮太皓

右沈湘

九奮走之所作也走世官於楚身嘗主簿荊州假令
東鄂皆故楚地江陵又楚都也感靈均之志以為九
者天地萬物之通數因憤怨而奮發作九奮言將質
諸天地萬物而自奮於淵泉也

九禽言

不如歸去巴江春暮肝斷口無聲早夜啼紅雨尋思帝
蜀時驪龍魚服不知非相婦未饒姬妾兒流紅長恨不

如歸

婆餅焦胡不歸熾炭炎炎不識兒兒饑不敢取兒苦長
自啼父母生兒忍不字棄兒父母生何為

脫却布袴從教暴露已自不能羞有甚供租賦官家官
家聽我語我本農家困征取祇今為鳥心不忘願王一
念農家苦

蠶姑力作縑絲一百箔五月罷蠶縑炎天勤織絡今年
州府急催科輕綃織成不得着蔽體無禪獨蠶婦百箔

絲蠶枉辛苦貴人不念有寒人一曲千縑賜娼女

新婦抱兒歸天清曜日暉陰雲礙霧雨新婦抱兒去窠
窠勃姑鳥此情那可曉有兒有婦不作窠教去教歸幾
時了


謝豹謝豹獨何心挈我裳衣無處尋白露溥兮風勁紅
葉下兮秋深我寒終不辭皇天故不私請看穴土重泉
下對人覿面何為者

泥滑滑山岡路一步一躊躇行前復回顧如膏兮小雨

膠膠兮薄土失足無多來往人撲落紅崖不堪數兢戰
驅驢行不前苦是昏黃無逆旅

行不得遠哥哥途遠山高奈何畏日流金兮長夏蔭人
有樾兮無柯足蠶兮僮口渴兮煙生思量有底虧人
處不處高堂長路行

提葫蘆沽美酒舞春風卧花柳且作醉鄉遊此身非我
有與君看取攏頭墳人在誰知不長久



浪語集卷十四